

Na osnovu člana 16. stav (4) Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva unutrašnjih poslova, Vlada Zeničko-dobojskog kantona, na 95. sjednici, održanoj dana 22.08.2025. godine, d o n o s i

Z A K L J U Č A K

I

Prima se na znanje Informacija o stanju popunjenosti radnih mjesta policijskih službenika u Upravi policije Ministarstva unutrašnjih poslova.

II

Zadužuje se Uprava policije Ministarstva unutrašnjih poslova da pokrene proceduru prijema 195 novih policijskih službenika, i to 186 u činu "policajac" i 9 u činu "mlađi inspektor" na način i u proceduri propisanoj Zakonom o policijskim službenicima - Prečišćeni tekst ("Službene novine Zeničko-dobojskog kantona", broj: 4/14, 2/18 i 1/25).

III

Ovaj zaključak stupa na snagu danom donošenja.

Broj: 02-_____/25
Datum, 22.08.2025. godine
Zenica

PREMIJER

Nezir Pivić

DOSTAVLJENO:

1x Ministarstvo unutrašnjih poslova,
1x Uprava policije, putem Ministarstva,
1x a/a.



Broj: 08-02-06/2-_____/25
Dana: 19.08.2025. godine

PREDMET: Informacija o stanju popunjenosti radnih mjesta policijskih službenika u Upravi policije Ministarstva unutrašnjih poslova, dostavlja se,-

U cilju upoznavanja sa stanjem popunjenosti radnih mjesta policijskih službenika u Upravi policije Ministarstva unutrašnjih poslova Zeničko-dobojskog kantona, želimo Vas obavijestiti da je posljednji konkurs za prijem policijskih službenika od strane ovog Ministarstva proveden u 2024. godini, kada je primljeno 117 (stotinusedamnaest) policijskih službenika i to 99 policijskih službenika u početnom činu "policajac" i 18 policijskih službenika u činu "mlađi inspektor".

Navedena konkursna procedura još uvijek nije okončana jer se odabrani kandidati za čin "policajac" trenutno nalaze na pohađanju osnovne policijske obuke na Policijskoj akademiji Sarajevo, dok se kandidati za čin "mlađi inspektor" nalaze na praktičnoj obuci.

Bitno je ukazati da proces prijema policijskih službenika traje duži vremenski period, jer se nakon okončanja konkursne procedure i izbora kandidata, odabrani kandidati upućuju na policijsku obuku koja za čin "policajac" traje pet mjeseci, a za čin "mlađi inspektor" četiri mjeseca. Tek nakon završene obuke, kandidati stupaju na dužnost na probni rad u trajanju od jedne godine, što znači da policijski organ u praksi može imati samostalnog policijskog službenika tek nakon proteka roka od godinu dana i pet mjeseci, odnosno godinu i četiri mjeseca.

Obzirom da se u predhodnom periodu povećao broj odlazaka policijskih službenika usljed penzionisanja, prestanka radnog odnosa ili iz drugih razloga, a u narednom periodu se očekuje i dodatno smanjenje broja zaposlenih, zbog ispunjavanja uslova za starosnu penziju većeg broja policijskih službenika, ovom informacijom želimo ukazati na probleme koji bi se mogli pojaviti ukoliko u kraćem periodu ovo Ministarstvo ne pokrene proceduru prijema novih policijskih službenika, iz sljedećih razloga:

- Pravilnikom o unutrašnjoj organizaciji Ministarstva unutrašnjih poslova Zeničko-dobojskog kantona broj: 08-01-02/2-02-1-1115-6/25 od 08.07.2025. godine, u Upravi policije ukupno je sistematizovano 1355 radnih mjesta sa statusom policijskih službenika, s tim da je trenutno upražnjeno 427 radnih mjesta policijskih službenika,

- s obzirom na starosnu strukturu policijskih službenika Uprave policije, oko 250 policijskih službenika će ostvariti pravo na odlazak u starosnu penziju do kraja 2026. godine,

- ovakvo stanje popunjenosti kadra znatno otežava izvršavanje osnovnih poslova i zadataka, posebno u segmentima održavanja javnog reda i mira, obezbjeđenja sigurnosti građana, provođenja krivičnih istraga i drugih poslova iz nadležnosti Uprave policije. Nedostatak dovoljnog broja policijskih službenika dovodi i do povećanog opterećenja postojećih zaposlenih i smanjenja efikasnosti u radu što može prouzrokovati produženje rokova za izvršavanje službenih zadataka.

Imajući u vidu postojeći značajan broj upražnjenih radnih mjesta i očekivane odlaske službenika u penziju, neophodnim se ukazuje blagovremeno pokretanje procedure za prijem novih policijskih službenika, kako bi se obezbijedilo da Uprava policije u kontinuitetu raspolaže dovoljnim brojem policijskih službenika.

U vezi sa gore navedenim, smatramo da je ovaj prijedlog opravdan i predlažemo da primite na znanje ovu Informaciju i donesete zaključak kojim bi se odobrilo pokretanje procedure za prijem 195 novih policijskih službenika i to: 186 u činu "policajac" i 9 u činu "mladi inspektor".

Prilog:

1. Zaključak Vlade o primanju na znanje Informacije o stanju popunjenosti radnih mjesta policijskih službenika u Upravi policije i pokretanju procedure za prijem 195 policijskih službenika,
2. Obrazloženje Zaključka,
3. Izjava o fiskalnoj procjeni.

S poštovanjem!

Dostavljeno:

1. Naslov x 1
2. a/a x 1



MINISTAR

Emir Vračo



Trg BiH br.1.Zenica, Tel. 032/449-249,
www.mupzdk.gov.ba
E-mail: mupzdk@mupzdk.gov.ba